

Saudi Arabia
Mucho petroleo
riba mercado

Pag. 3



Agricultura
birando un
necesidad

Pag. 5



Segun SEPPA
Mester prepara
cuidado di preso

Pag. 7




BON DIA *Aruba*

Dialuna 18 di April, 2011 www.bondia.com Email: noticia@bondia.com Tel: 582-7800 Fax: 582-7044 1.50 Florin

Repudio y disgusto ...

SANTA CRUZ- Comunidad a wordo sacudi ayera mainta cu emocion, ora cu a bira conoci cu desconocinan, a causa destruccion na kelder di Betico Croes, ya saca su caha di morto for di e kelder. E sin escrupulonan aki a destrui e caha y a mishi cu restonan mortal di e ex lider di partido MEP, lagando un dolor inmenso atras cerca famia y gran parti di e comunidad Arubiano. Un acto di profanacion sin limitacion cu a ser condena den curso di henter dia y cu a bolbe lanta un dolor inmenso cerca famia y tur cu a stime asina hopi y e antisocialnan a tripi di mishi cu recuerdonan di un yiu di tera inmensamente stima.

Ayera noch tabatin un aglomeracion di hende cu a bay pa compana e restonan di Betico y a pasa varios ora resando pa su alma. Antisocialnan sin escrupulo lo a menasa ayera noch di lo bin na e cas mortuario pa bolbe saca e restonan di Betico for di e luga, loke no tabata e caso. Hopi indignacion, hopi repudio pa e acto aki cu a confirma cu algo ta robes den nos sociedad y cu ta rekeri hopi atencion pa haya su solucion.



BON DIA *Aruba*
DESDE 1991
INFORMANDO Y
EDUCANDO NOS
DUSHI ARUBA
***Aruba* TODAY**

GANA
HOPI
PREMIO


EN CONECCION CU NOS GRAN CELEBRACION DI
20 ANIVERSARIO DIA 19 APRIL 2011
CU HOPI
PREMIOS



Sr. Gilberto F. Croes (Juni)

Lo dera Betico Croes bek diasabra binidero

Investigacion haci tabata hopi respetuoso



ORANJESTAD – Diasabra proximo lo hiba Betico Croes bek na su ultimo luga di sosiego. Famianan a reuni na Horacio Oduber Hospital y a duna un splicacion di loke a pasa cu Betico Croes. Sr. Gilberto F. (Juni) Croes a indica cu ta un cos masha lamentabel ta loke a tuma luga cu kelder di su defunto tata. E situacion aki no ta aceptabel den ningun caso, segun sr. Juni Croes. E la indica cu antisocial nan a saca e caha for di kelder cu intencion di comete un acto castigabel riba esaki.

Ora cu famia a constata cu e caha ta habri tin poco nan a ripara cu tin algun cos nota bon.

Cuerpo Policial a haya ta bon pa confisca e restonan mortal pa haci un investigacion. Kier a conclui si tin señal of prueba cu por conduci na malhechor nan cu a comete e acto aki. Sr. Juni Croes a haya cu e investigacion conduci tabata na un forma hopi respetuoso.

Durante e investigacion a tuma algun muestra pa realisa investigacion mas profundo. Por medio di e pruebanan aki kier a wak si por yega tras di esun cu a comete e acto aki, e pruebanan aki ta bay laboratorio pa mas investigacion. Despues di e investigacion a laga e curpa los y a debilbe esaki na e

famianan. A hiba e restonan mortal na Mementomori pa asina reestablece e restonan na un forma digno. Di e forma aki kier hiba Betico Croes na su ultimo luga di sosiego na Santa Cruz.

Obviamente como famia y tambe pueblo di Aruba nan ta hopi conmovi cu e situacion aki. Ta unimaginabel cu na Aruba algo asina aki ta posibel. E situacion aki no por pasa cu ningun hende y mas ainda Betico. Ta duele cu tin hendenan cu un mente pa por haci algo asina na un resto mortal. E ta un falta di respet di mas grandi cu por tin y cu por haci contra di un defunto.

Sr. Gilberto F. (Juni) Croes ta condena e caso aki. Ta algo hopi serio a tuma luga y ta spera cu autoridadnan policial dedica tur nan esfuerso pa soluciona den e caso aki. Algo asina aki no por ripiti na Aruba ni cu Betico y ni cu ningun otro hende na Aruba.

Durante e situacion aki un grupo grandi di ciudadano a convivi e momentonan aki cu famia. Sr. Juni Croes a indica cu nan tin intencion di dera Betico Croes bek diasabra binidero. Si tur cos cana manera plania lo haci e acto aki cu e ceremonia pa henter pueblo di Aruba compaña Betico Croes pa hib'e na

e ultimo luga di reposo. E famia ta pidi pa tur hende haci un oracion pa e sosiego di Sr. Betico Croes. Loke mas e famia a pidi ta pa henter comunidad keda calmo. Loke a pasa ta algo horibel y mester percura pa e caso aki no pasa nunca mas na Aruba.

Sr. Juni Croes a indica cu no a mira ningun particularidad na e curpa den e caso aki, tampoco tin sospecho riba ningun hende te na e momentonan aki di ken por a comete e acto horibel aki. Mas den siman lo anuncia e forma cu lo hiba Betico Croes bek na su ultimo luga di reposo.



MOREW FACILITACION BON DIA Aruba

E poder di amor di berdad ta hopi grandi

SINTONIZA EMISORA MIT-2, FOR DI DIALUNA PA DIABIENA DI 8AM - 9AM

Minister President Mike Eman:

Destruccion graf di Betico Croes ta repudiabel y condenabel

ORANJESTAD- Minister President Mike Eman ayera mainta a tuma contacto inmediatamente cu famia di defunto Betico Croes pa expresa su lamento cu e sucedido di destruccion na graf di defunto Betico Croes.

Den contact cu yiu di defunto Betico Croes, Sr. Junior Croes, Minister President Mike Eman a comparti su lamento pa cu e sucedido y su palabra di convivencia cu famia Croes pa e dolor cu un acto asina sin sentido ta causa.

Minister President Mike Eman ta constata cu ya algun dia por a nota cu actonan ta tumando lugá cu ta mishi cu e balornan mas fundamental di e ser humano. Dos bes e candela eterno na monumento 18 di Maart a wordo paga cu destruccion, a pone saco

di sushi riba cabes di estatua di defunto Shon A Eman, a pone marcanan insultativo na estatua di Libertador Betico Croes y awor un acto mas repudiabel ainda na graf di defunto Betico Croes.

Minister President Mike Eman ta profundamente conmovi pa e pensamiento cu por tin personanan den nos comunidad, cu pa cualkier motibo, por bay asina leu pa cualkier motivacion. Mester tin puntonan cla den nos comunidad con leu ta bay y aki claramente nos a pasa tur linea. Minister President Mike Eman ta bisa cu husticia mester yega na pone man fuerte riba esunnan cu ta comete e actonan repudiabel aki. "Locual porta ta wordo lubida ta cu nos tin un Creador cu ta vigila riba nos, nos bida y nos comportacion". □

